

DISSERTATIO CHEMICA.  
DE  
PHOSPHATIBUS FERRI,

QUAM

CONS. AMPLISS. FAC. PHIL. ABOËNS.

PUBLICO EXAMINI SUBJICIUNT

*JOHANNES ADOLPHUS LINDBLAD,*

*Phil. Magister & Medicinæ Candid,  
Svecus*

&

*JOHANNES JOSEPHUS PIPPINGSKÖLD,*


*Nobilis, Aboënsis.*


In Audit. Phil. die x Novembris MDCCCLXIII.

Horis a. m. solitis.

---

ABOÆ, typis FRENCKELLIANIS.





## DE PHOSPHATIBUS FERRI.

### §. I.

Celebres sunt in Mineralogia, Metallurgia, nec non in Chemia Animali Phosphates Ferri, quorum & usus in Medicina nuper exceptus, magis magisque divulgatur. Quantumvis igitur luce fit digna, non tamen satis est explicata cognitio horum Chemica. Quare hic materiam invenimus, quæ studio nostro & labore est idonea vifa.

Postulant & officium nostrum & æqua Lectoris exspectatio, ut antea breviter saltem recenseamus auctores, quibus debentur ea, quæ hac in re jam edita sunt, quam afferantur conata nostra exigua.

### §. II.

Cel. TORBERNUS BERGMAN in tractatu *de causa fragilitatis Ferri* (a) varias nos docuit qualitates  
A Phos-

---

a) Opuscul. Phys. & Chem. Vol. III. pag. 109 seqq. —  
cfr. De analysi Ferri pag. 98, 99.

Phosphatis Ferrici (\*), quem Oxidum metalli cuiusdam ab aliis omnibus diversi esse, putavit; eique nomen dedit Sideri. Per idem fere tempus ad eandem rem maximum adhibuit studium Dom. MEYER, Pharmacopola Aulicus civisque urbis Stettini; (b) qui quidem postea invenit, novum illud Metallum, a se Hydrofiderum nominatum, nihil aliud esse, quam Ferrum cum Phosphoro coniunctum. (c) Quam rem ille & Cel. Klaproth simul probaverunt. (d)

Huic

---

\*) Quamquam non in omni parte defendere audemus Nomenclaturam Chemicam, quæ Auctore gaudet Cel. BERZELIO, illam tamen, utpote novissimam, & inter omnes, cuvis conjunctioni Chemicæ exprimendæ maxime sufficien tem, in opella nostra fecuti sumus. Vid. Kongl. Veten skaps Acad. Handl. år 1812 1 H. pag. 28 seqq. Förstök till en Chemisk Nomenclatur af J. BERZELIUS.

- b) Vid. J. C. F. MEYERS Versuche mit der in dem Guss-eisen entdeckten weissen metallischen Erde; nec non: Versuche zur näheren Kenntniß des Wasfereisens (Hydrofiderum) eines neuen Metalles von J. C. F. MEYER. Schriften der Berlinischen Gesellschaft naturforschender Freunde, B. 2. pag. 334 seqq. & B. 3. pag. 380 seqq.
- c) Das vermeintliche neue Metall, das Wasfereisen vom Erfinder Hrn. Hof-Apotheker MEYER selbst berichtet, CRELLS Chem. annal. 1784 B. 1. st. 3. pag. 195 seqq.
- d) Von dem Wasfereisen, als einem mit Phosphorfäure verbundenen Eisenkalke; vom Hrn. Asfessor Klaproth

Huic insuper debemus cognitionem fossilis corporis, nomine *Natürliches Berlinerblau* cogniti, quod inventit esse conjunctionem Oxidi Ferri cum Acido Phosphorico. (e) Illustris vero SCHEELE primus fuit, qui, Phosphorum ex his materiis eliciendo, praesentiam ejus modo analytico ostendit, (f) quamquam, hancce methodum frustra tentari, Klaproth antea postulaverat (d). SCHEELE quoque duos illos Phosphates, cum Ferricum, tum Ferrosum, uti jam sunt denominandi, rite præparavit & distinxit. FOURCROY & VAUQUELIN, cum in sangvine indagando & examinando essent occupati tertium adhuc invenerunt, scilicet Subphosphatem Ferricum, ab ipsis *Phosphate avec excès d'oxide de fer* vocatum (g). Variā, quæ de eodem attulerunt Chemistæ Gallici, correxit Cel. BERZELIUS (h).

A 2

Hi

in Berlin. CRELLES Chem. Ann. 1784 Band. 1. St. 5.  
pag. 390 seqq.

e) Ibid. pag. 396.

f) Rön om Ferrum Phosphoratum och Sal Perlatum, af CARL WILH. SCHEELE. Kongl. Vetensk. Acad. Handl. år 1785 pag. 154 seqq.

g) Systéme des Connaissances Chimiques, par A. F. FOURCROY. Tome IX. pag. 152.

h) Blodets analys pag XXII seqq. Djur-Kemien II del.

Hi sunt præcipui fontes, qui hujus rei notitiam præbent. Quæ alii Auætores adferunt nobis que innotescunt, vel ex his sunt hausta, vel ab opinione potius, quam ab experimento, deducta. Tres, ut constat, Phosphates Ferri in libris Chemicis memorantur; quorum vero numerum esse augendum, putamus. De singulis dicere jam adgradimur.

§. III.

*Phosphas Ferrosus.*

Maxime necessarium ducimus, sollicite determinare modum conficiendi non hunc solum, sed & sequentem Phosphatem Ferricum, ne per errorem operationis vix observabilem prorsus alia quam quæsita obtineatur substantia. Sic loco Phosphatis Ferroſi aut Ferrici plures materias, non solum inter se diversas, sed desideratae etiam dissimiles, videnti nobis occasio fuit. Hæ partim e Phosphate Ferrico albo, partim e Ferroſo cæruleo, partim denique e flavo ſale Ferri baſico congregatae fuerunt, & mixto horum colore multimodis variarunt.

Modo, qui ſequitur, optime paratur Phosphas  
Ferricus: Crystalli Sulphatis Ferroſi aqua ſolvuntur.  
Solu-

Solutioni sine mora additur Phosphas Natricus (*i*), aqua solutus, quamdiu præcipitatur aliquid, quod a liquido mox separetur. Diligenter est observandum saturitatis momentum; utrumque enim nocet, sive ante hoc definitur, sive post pergitur aliquid instillare solutionis præcipitantis.

#### §. IV.

Præcipitatum, ortu suo album, sit sensim cæruleum, quem colorem postea servat. Hanc mutationem sola luce diurna effici, sequens, ut credimus, experimentum fatis comprobavit. Duæ lagenæ vitreæ erant impletæ simili præcipitato Phosphatis Ferroſi; quod quidem in una, cui lux admissa fuit, cito colorem mutavit, quamvis ex apto obtutamento vitreo effet clausa; in altera vero, quæ in arcula metallica fuit deposita, per plures dies immutatum mansit. Similia observavit Cel. KLA-  
ROTH in nativo Phosphate Ferroſo, qui quidem nuper effosus albus fuit, sed in luce cæruleus factus est; idque oxidationi ejus adscripsit (*k*).

#### §. V.

- 
- i)* Rectius forsan dicitur Subphosphas Natricus; sed novam adhibere denominationem noluius.  
*k)* Vid. Chemische Untersuchung der Blau-Eisenerde von ECKARTSBERG. KLA-PROTHS Beiträge zur Chem. Kenntniss der Mineral-Körper. 4 B. pag. 120.

## §. V.

Vitiosa præparandi methodo Phosphas Ferrosus inquinatur vel Phosphate Ferrico, vel sale Ferri basico, vel utroque. Illud incidit: 1:mo Si loco Sulphatis Ferrosi sumitur Sulphas Ferroso-Ferricus, in quem ille etiam, præferti ope caloris, facile transit, si diu solutus habetur. 2:do Si diu in fundo relinquitur præcipitatum, a liquido non separatum, in quo semper aliquid Phosphatis Ferrosi solutum retinetur; quod postea sub exhalatione cedit, jam vero in Phosphatem Ferroso-Ferricum mutatum; quam rem demonstrat color ejus fere albus, qui, postquam fuit siccatum, manet. Si hoc vel illo modo a Phosphate Ferrico pollutus fuit Phosphas Ferrosus, id eo tantum oculis detegitur, quod tunc non tam vive cæruleus sit color; qui quidem magis minusve albidus majorem minoremve illius admisionem indicat.

A sale autem basico polluitur: 1:mo Cum non satis additur solutionis præcipitantis, adeo ut Sulphas Ferrosus in partes suas plene disjungatur; quo casu Phosphas Ferrosus, dum præcipitatur, licet solutio sit acida, secum tamen trahit Oxidum Ferrosum, parva Acidi Sulphurici portione sectatum. 2:do Cum post momentum saturitatis infunditur solutio Phosphatis Natrici. Nam Alkali ejus supervacuo, quod crystallisatus semper tenet, aliquid Salis

Salis Ferroſi basiſi paritūr, ceteroque admiscetur. Utroque in caſu præcipitatum initio eſt glaucum, fit vero ſenſim atro-viride, tandemque, poſtquam ſiccatur, flavescente interea Oxido nigro aquæ aëiſque effectu, luteo-viride; quo colore item inæquali & veluti ſordido a vero Phosphate Ferroſo primo vel adſpectu dignoscitur. Quamdiu vero non nimium adhibetur ſaliſ præcipitantis, nihil quidem ad fert damni, baſis aliquantulum in eo abundare; quoniam Sulphas Ferroſus, licet Ferri ſatur, ali quid tamen Alkali accipere poteſt. Contra id magni inde oritur commodi, quod jam non opus fit, ſal Ferri ſaturare; quod vero facere neceſſe eſt, ſi ſolutio præcipitans fit neutra, ut major Phosphatis quantitas in fundum ſe deponat.

## §. VI.

Proprietates Phosphatis Ferroſi maxime iſfignes ſunt, quæ ſequuntur: Color ejus, ut jam no tum eſt, ortu albus, fit poſtea in luce cæruleus, & in aëre ad ſolitam caloris temperaturam immutatus permanet. Sed in temperatura  $\pm 100^{\circ}$  ſubviridis videtur, & igneo calore in flavo-fuſcum mutatur, multa aqua amiffa, quam credimus effentialeм ejus partem conſtituere. Hac enim ſola deperdita, ceteris licet integris relictis, præter colorem reliquus quoque habitus mutatur. Nec ideo, ut aliquis fa cile

cile opinaretur, plus sibi adsumit Oxygenii; nam Kali causticum in illo idem nigrum producit residuum ac antea: Non in massa continua cohæret, sed formam habet farinæ: Non ignitus ab Acidis facile solvitur; quæ, si eo saturantur, cocta solutione vel multa aqua diluta, maximam partem soluti a se demittunt. Quod vero præcipitatur, similius est Phosphati Ferrico, quam Ferroso, cum eo, quod etiam siccum, albidum retinet colorem, tum eo, quod, si Kali caustico digeritur, rubicundum statim efficitur residuum. Medium horum tenere, ac nomine **Phosphatis Ferroso-Ferrici** designandum esse videtur. Solutionem residuam, sal triplex (*l*) acidulum continentem, non potuimus in crystallos redigere, sed continuata evaporatione in massam fere gelatinosam concrevit. Si vero in multo Acidi solvitur Phosphas Ferrosus, nihil coquendo deponitur, sed omnis solutus retinetur ad sal idem triplex formandum: Via humida a Subcarbonate Kalico & Natrico meraciori totus accipitur. Solutio est fusca. Justa portione Acidi cujusdam iterum de

*l)* Ejusmodi sal recentioris ævi Chemistæ duplex vocant, utpote duorum salium compositorum conjunctionem. Ob eandem vero causam, sal quoque a quatuor simplicibus formatum, duplex esset nominandum. ex. g. Phosphas Ferricus in Subcarbonate Kalico solutus, qui sal quadruplex rectius vocari videtur.

de illis deturbatur: Alkalia caustica nigrum ejus relinquunt residuum, de quo infra agemus: Fluxibus colorem impertiit fuscum, & carbonis ope redigitur in Phosphoretum Ferri, a quo vitium fragilitatis frigidæ contrahit Ferrum malleabile: Aqua non solvitur.

### §. VII.

Dum in eo occupati fuimus, ut hunc Phosphatem via analytica scrutaremur, frustratus est conatus noster primo secernendi Acidum Phosphoricum ab Oido Ferroso solvendo Phosphatem in Acido Nitrico p. & solutioni Nitratem Plumbicum infundendo. Quoniam enim clarissimi Auctores docent, Phosphatem Plumbicum non posse in Acidis solvi, jam exspectavimus, ut solutio turbaretur & hicce Phosphas caderet; quod tamen non accidit. Nec id mirati sumus, postquam nobis experimento compertum fuit, illum ab Acido Nitrico, recentem saltim & adhuc uvidum, facile accipi. Præterea non hic succedit solutionem facere neutram propter singularem Phosphatis Ferroſi propensionem ad menstruum suum relinquendum. Neque inexpertam reliquimus methodum analyticam, qua uſus est Cel. Klaproth ad examinandum nativum Phosphatem Ferroſum(*m*). Nempe Alkali cauſtico illum coxi-

B

mus,

---

*m*) Klaproths Beiträge, 4 B. pag. 121.

mus, ut eo modo Acidum Oxido Ferri eriperetur. Eductum vero, accuratius exquisitum, invenimus, non purum esse Oxidum Ferri, sed adhuc aliquid retinere Acidi Phosphoricci. Quod vero clarus apparet, si pari ratione tractatur Phosphas Ferricus; quoniam Subphosphas tunc ortus, plura habet ab Oxido Ferrico diversa, ut infra liquebit. Non igitur aliter ac sequenti modo analysin ejus adgredi potuimus.

Phosphatis Ferrosi 100 libræ docim. in balneo maris ad  $\pm 100^{\circ}$  calefactæ, non plus quam 77 libr. ponderaverunt, postquam in lagena vitrea, balneo arenæ adhibito, fortiter fuerant ignitæ, ut tota massa rutilaret. Ideoque copia aquæ, in temperatura  $\pm 100^{\circ}$  residuæ, æqualis est 23. Perdit vero quivis Centenarius inter  $\pm 40^{\circ}$  &  $\pm 100^{\circ}$  3 libras, quæ nobis essentiales videntur, quandoquidem Phosphas Ferrosus, illis amisisis, jam subviridem accipit colorem. Quantitas igitur aquæ ad  $\pm 40^{\circ}$  æqualis est 25,31. Quia hic Phosphas, postquam fuit candelactus, difficillime ab Acido Nitrico accipitur, aliæ 100 libræ doc. ejusdem Phosphatis ad  $\pm 100^{\circ}$  siccatae, in hocce Acido solvebantur & inde coquebantur, ut Ferrum satis sibi adsumeret Oxygenii. Posthac solutioni infundebatur Prusias Ferroso-Kalicus (olim lixivium sangvinis) e Prusiate Ferroso-Ferrico (Cæruleo Berolinensi) & Kali bene caustico

stico acceptus, quamdiu crescere apparuit præcipitatum cæruleum Prusiatis Ferroso-Ferrici. In filtro ponderis 53 lib. a liquido separatum, bene aqua destillata ablutum, & ad  $\ddot{\text{F}}\ 100^{\circ}$  siccatum, cum filtro ponderavit 234,75 lib.; ideoque pondus ejus proprium fuit = 181,75 libr. Ejusdem Prusiatis 100 libr. in furno docim. lentæ ignitæ ad rutili ignis calorem, reliquerunt 40,5 librarum residuum atrofuscum; quod in pulverem redactum, fusco colori propius accesfit & ne minime quidem magneti obediit, ideoque verum fuit Oxidum Ferricum. 181,75 vero reddunt 73,60. Ab his autem 73,60 libris Oxidi Ferrici sunt absrahendæ 25,76; quoniam, ut docetur ab experimentis Cel. Dni Proust, in quovis Centenario 35 lib. debentur exhibito Prusiat Ferroso-Kalico. Residuae 47,84 respondent 42,93 libris Oxidi Ferroſi; quandoquidem 100 libræ ejusdem Oxidi Ferrici (*n*) oleo olivarum oblitæ & inde ignitæ nobis reliquerunt 89,75 libr. Oxidi Ferroſi nigri, magneti obedientis; quod parum aberrat ab indicio Cel. Berzelii (*o*). In Centenario igitur Phosphatis continentur 42,93 libræ Oxidi Ferroſi.

B2

Reli-

*n*) Quod Centenarii defuit, pari ratione obtinuimus, dum reliquos examinavimus Phosphates.

*o*) Lärbok i Kemien II del, pag. 205.

Reliquum liquidum, a quo Prusias Ferroso-Ferricus fuerat separatus, ad siccum decoctum, leniter fuit ignitum, ut omne destrueretur Acidum Prusicum; quo facto & fuit neutrum. Iterum aqua destillata solvebatur, praeter exiguum sedimentum, a Ferro destrueti Prusiatis derivandum, quod guttulis Acidi Nitrici solutum fuit, quia erat suspicandum, illud sibi adjunxisse Acidum Phosphoricum. Post-hac Acetas Plumbicus, a quo solutio mox fuit turbata, infundebatur, donec nihil magis in fundum cecidit Phosphatis Plumbici, qui a fluido separatus, diligenter aqua destillata ablutus, tandemque candefactus ponderavit 160,75 libr., quæ, teste Cel. BERZELIO, (p) habent 33,43 lib. Acidi Phosphorici.

Centenarius Phosphatis Ferrosi, qualem arte produximus, continet.

ad  $\pm$  100°:

Aquam	—	—	—	—	—	23,	—	—	25,31
Oxidum Ferrosum	—	—	—	—	—	42,93	—	—	41,63
Acidum Phosphoricum	—	—	—	—	—	33,43	—	—	32,42
									99,36;
									99,36.

§. VIII.

---

p) Ibid. pag. 285.

§. VIII.

*Phosphas Ferricus.*

Ope affinitatis eleætivæ duplicis, quando Phosphas aliquis, aqua dissolubilis, cum sale Ferrico conjugitur, hic Phosphas conficitur. Id vero heic occurrit incommodi, quod salia Ferrica omnino sunt liquefcentia, nec in crystallos redigi posunt, ideoque majori vel minori Acidi abundantia variant, quod incertam efficit præparandi methodum. Nos sequentem invenimus optimam. Sulphas Ferrosus, aqua solutus, coquitur cum quarta sui parte Acidi Nitrici communis, sensim instillati. Solutioni, postquam ebullivit, eoque fusco-rubra facta est, infunditur Phosphas Natricus, aqua solutus, donec non magis ab eo turbetur. Quod momentum accurate observetur, ut tunc ab instillando cesetur. Quod cadit, est Phosphas Ferricus.

Methodus hæc aliquantulum differt ab illa, quam dedit Cel. BERZELIUS (*q*), quæque jubet, solutionem Ferri-

---

*q*) Vid. Utkaft till förbättringar i beredningsfåtten af åtskilliga præparata chemica för den nya editionen af svenska pharmacopœen, uppförde efter den förbättrade chemiskt pharmaceutiska nomenclaturen; jemte en critisk upptäffning af samma præparaters namn och beredningsfåtten i de fornämsta nyare Europeiska Pharmacopœer af

Ferricam antea Alkali saturare, quam additur Phos-  
phas Natricus. Id vero nobis inutile videtur, quia  
solum coquendo expelli potest, quod superfluit Acidi. Quoties stricte praecepto paruimus, semper cum  
Phosphate in fundum una cecidisse vidimus Subful-  
phatem Ferricum; quod tamen prohibetur, si ab  
altera parte Phosphas Natricus bene saturatur, ut  
haec solutio aliquantulum fiat acida. A vitio jam  
allato frequentissime laborat Phosphas Ferricus;  
idque eo proditur, quod color alias albus, tunc ma-  
gis minusve flavus appareat. Duæ potissimum ejus  
culpandæ sunt causæ: Altera, quod post commix-  
tionem liquidorum solutio fuerit alkalina; altera  
quod non satis adhibitum sit Phosphatis Natrici, ut  
sal Ferricum totum fuerit disjunctum. In prima ve-  
ro culpa tollenda cavendum est, ne nimium Acidi  
addatur; quia tunc nihil præcipitatur. De altera va-  
lent eadem, quæ in simili punto de Phosphate Fer-  
roso attulimus: eatenus scilicet Phosphas Natricus  
nimius erit, quatenus Alkali ejus non saturato  
solutio fiat alkalina. Vitium uno alterove modo or-  
tum, maxime est perspicuum, cum præcipitatum,  
a liquido separatum, nondum est bene siccum; nec  
guttulis Acidi cuiusdam corrig'tur, quia ab hoc non  
prius solvitur Subfulphas Ferricus flavus, quam  
Phos-

Phosphas Ferricus. Albissimus vero fit, si, totus ab Acido quodam solutus, iterum præcipitatur Phosphate Natrico. Talis ad chemicos usus est adhibendus. Quoniam Acida, si bene saturantur, valde magnum ejus quantitatem accipiunt, non multum in præcipitando consumitur Phosphatis Natrici.

### §. IX.

Phosphatem Ferricum in primis distingvunt, quæ jam sequuntur. Albus præcipitatur, & perpetuo talis manet: In fundum tardius, quam Phosphas Ferrofus, se deponit, & qualem confecimus, postquam est siccus, frustula friabilia format, quorum nexus est tener: Nondum candefactum Acida Mineralia avide accipiunt; quæ, cum saturantur, coctione vel dilutione maximam partem iterum respuunt. Quo facto aliam accipit texturam; jam enim siccatus, non ut ante in frustulis cohæret, sed pulvereus est; ceteroquin vero, ut videtur, non mutatus. Si, quod primum cadit, separate colligitur, hoc aliquantulum flavescit; credo, ex Sale basico, ipsi adhærente; quod quidem indicat, quam pronus sit Phosphas Ferricus ad illud sibi adjungendum. Sal triplex, quod in solutione manet, eadem est indole, qua sal, a Phosphate Ferroso similiter ortum: Subcarbonates Kalicus & Natricus minima aqua diluti, facile illum dissolvunt. Solutio est flavo-

flavo-fusca magisque candicans, quam in eodem  
menstruo Phosphatis Ferroſi. Tardius illum acci-  
pit Subcarbonas Ammonicus: Leniter ignitus non  
inſigniter mutatur (*r*); fortiori autem igne, cum  
liqueſcere incipit, infuscatur. Præterea via ſicca  
Phosphati Ferroſo ſimilem ſe præbet: Ut adfert  
Cel. BERGMAN, 1500 partes aquæ ebullientis vix u-  
nam ejus recipiunt (*s*): Alkalia cauſtica partes ejus  
chemicalias non plene diſjungere valent, ſed in Sub-  
phosphate Ferricum redigunt.

### §. X.

Hunc Phosphate in artem ſuam Medici re-  
ceperunt. Uſus ejus laudatur in morbis cacheoti-  
cis, præſertim in iis, qui feminis proprii ſunt.  
Dofis incipit a gr. viij bis die & poſtea augetur.  
De quo plura adferre, proposito alienum putavimus.

### §. XI.

Analysin ejus pari ratione ac Phosphatis Fer-  
roſi instituimus. Sed ne, iisdem allatis, tedium  
paria-

---

*r*) In quibusdam experimentis, ubi Ferrum adhibitum a Manganio non liberavimus, ignitione ferenum cæſium colorem hic Phosphas accepit. Phosphas Ferroſus a tali Ferro paratus, ignitus magis infuscus, quam alias, ap-  
paruit.

*s*) De cauſa fragilitatis Ferri. §. 4. B. Opuscul. Vol. III.

pariatur, producta solum enumerabimus. 100 librae inter  $\pm 40^\circ$  &  $\pm 100^\circ$  amiserunt 5 libras; Centenarius vero ad aquae punctum coctionis ficcatus, inustione perdidit 18,50. Quantitas igitur aquae ad  $\pm 40^\circ$  est = 22,57; ad  $\pm 100^\circ$  = 18,50. Centenarius ad  $\pm 100^\circ$  ficcatus, postquam in Acido Nitrico p. fuit solutus, facta Prussiate Ferroso-Kalico præcipitatione, reliquit 160 libras Prussiatis Ferroso-Ferrici, quæ respondent 42,12 libris Oxidi Ferrici, in Phosphate contentis. E residuo Acetas Plumbicus produxit 183,25 libras Phosphatis Plumbici, quæ habent 38,11 libr. Acidi Phosphorici.

### Phosphas Ferricus continet in Centenario

ad  $\pm 100^\circ$ :

Aquam	—	—	—	—	18,50	—	—	22,57
Oxidum Ferricum	—	—	—	—	42,12	—	—	39,98
Acidum Phosphoricum	—	—	—	—	38,11	—	—	36,18
					98,73;			98,73.

### §. XII.

#### *Subphosphas Ferrosus.*

Si Phosphas Ferrosus nuper præparatus & adhuc uigidus digeritur vel coquitur cum Kali Caustico, quod in liquido abundet, nigrum restat residuum, Oxido Ferroso in eo dissimile, quod adhuc aliquid tenet Acidi Phosphorici; ideoque, Subphos-

C pha-

phatem Ferrosum esse nominandum, credimus. In vase clauso paratus & ablutus eo modo, ut, postquam siderit, iōpe siphonis liquidum tollatur, ac inde celeriter siccatus, niger servatur. Quo easū etiam magneti est obediens, & in frustulis cohæret, quæ sunt in fractura pulverulenta. Aëris vero & aquæ coniuncto effectu rubescit, Oxygenio accepto; nec posthac magnetem sequitur. Quod si in hunc Subphosphatē intenti fuissent Cél. Chemistæ Gallici FOURCROY & VAUQUELIN, non dubitamus, quin potius ab illo, quam a Subphosphate Ferrico rubrum sanguinis colorem derivassent; idque propter mutationem, ei, quam patitur sanguis, valde respondentem. Imago enim sanguinis, eum Arteriosi, tum Venosi haud absurdē representatur, si in lagena vitrea Subphosphas Ferrosus, a liquido non separatus servatur, & aër ipsi admittitur; quo factō superne formatur stratum rubrum; sanguini Arterioso haud disimilius, quam stratum inferius Venoso. Subcarbonates Alkalium nequaquam illum adgrediuntur, & ab Acidis idem difficillime solvitur. Acidum Phosphoricum sic eduximus: 100 libræ ad aquæ punctum coctionis calefactæ & quantum fieri potuit, oxidatæ, ponderaverunt cande-factæ 92,5 lib. Hæ ab Acido Muriatico solvebantur, & postquam omne Oxidum Ferri Prusiate Ferroso-Kalico erat præcipitatum, solutio Subcarbonate Kalico saturabatur, quo turbata fuit. Præcipi-

cipitatum non erat dissolubile in Acido Acetico; luce livenessebat & Phosphati Ferroso se simile praebbat. Siccatum ad  $\frac{4}{5}$  100° ponderavit 10 libr., quæ respondent 3,34 libris Acidi Phosphorici. Residuum, in quo Acidum Aceticum superfluxit, Acetate Calcico non turbatum est. Oxidum Ferrosum est derivandum a Prusiate Ferroso-Kalico, qui coctione Acidum dimit.

### §. XIII.

#### *Subphosphas Ferricus.*

A Phosphate Ferrico eodem modo obtinetur hic Subphosphas, quo antecedens a Phosphate Ferroso. Necesarium est, ut Phosphas Ferricus adhuc uividus sit, alias enim Kali causticum in superficie solum agere potest, & particulae internæ vim ejus effugiant. Color ejus fere est fuscus, qui, dum Subphosphas siccatur, magis magisque infuscatur. In duris cohæret frustulis, quæ vitream & splendentem præbent fracturam; qua ex re ab Oxido Ferrico solo adspectu manifeste dignoscitur. In pulverem redactus colorem magis candicantem adipiscitur. Ut a Chemia Animali cognitum est, e colorata parte sanguinis post combustionem accipitur. Rite purificatus sanguinis partem constituit 0,0017, quod est maximum & 0,0006, quod est minimum.

nimum, ut docet FOURCROY (*t*). Secundum BERZELIUM 0,075 efficit cineris coloratae partis (*u*). De cetero omne extra dubium positum est, illum non a sero sanguinis solvi, ne ope quidem Alkali, a quo non chemice afficitur, uti postulaverat FOURCROY, quem refutavit BERZELIUS. Ignitione color non mutatur, sed quivis Centenarius perdit 13 partes. Analytice eum non scrutati sumus.

#### §. XIV.

#### *Superphosphas Ferrosus.*

In Acido Phosphorico solutum est Phosphatis Ferro*s*, quantum accipi potuit. Hæc solutio crystallos non reliquit; calefacta vel diluta albidum depositum sedimentum Phosphatis Ferro*s*-Ferrici, postquam Oxidum Ferrosum plus Oxygenii adsumferat.

#### *Superphosphas Ferricus.*

Solutio Phosphatis Ferrici in Acido Phosphorico, antecedenti in eo similem se præbuit, quod dilutione solutum ex parte a se reliquit, nec crystallos dedit. Præterea ad aliorum arbitrium conferimus, an propria salia hi duo Superphosphates judicari possint.

---

*t*) Système des Connaissances Chimiques par A. F. FOURCROY. Tome IX. §. VI. De la partie colorante.

*u*) Blodets analys pag. XXVII.

